



三五六

拜竹詩堪集外稿卷一

門人史詮敬輯



秋日

自庚申至癸酉
從石經閣詩略

第一卷終餘章錄出

空山寂無聲
涼露滴清磬
閑窓見明月
依依窺人影
攬
中庭落葉堆
滿徑微聞人語來
隔溪話煙暝



枕上

秋聲枕面來
悽惻永寒夜
只道殘雨聲
不知落葉下

江上遠望

秋波渺何極
孤帆遠如點
空江不見人
獨下一聲雁

紅蕙花館夜坐

明月忽飛來
照我山中樹
山中蘭花發
幽人在何處
夜深清

露寒只聽青猿語

南湖秋泛

秋風忽吹寒點上南湖
孤舟入蘆漪夜色滿沙渚
野鴛睡不驚漁燈遠可數
叉手立船唇獨自尋烟語

齋中讀經詩八首

圖書出劉歆偽託孔安國
闕朗賈宗之以闡元妙德
安樂本之才四圖神其術
必義至漢世絕學何由得
希夷知先天子遠譚太極
其說祖虛無三五空推測
焯哉野史翁一言羣疑息

人臣貴責難頌美三代無
梅賾上隸古面諛始禹謨
君陳主歸善謂乃禮不逾
詔佞從此啟簡策焉可証
淫酒戒公旦頗

辟殿昏餘議即存古文八
分一手書我欲發孔壁敬
上毋佚圖

小序肇卜商後人輒廢之
遂使豐坊輩傳說託賡辭
元風齊魯韓三家先毛詩
其文時被見古義日月垂
文公未及萬攷異歸浚儀
申以翼奉訓勒以秦邕碑
轉注悟推堊諧聲證來釐
六書合波長一一無差池
亡或效束補說定解匡頤
異文拾剝斲勿笑吃奇

元公作周官誰辨真与妄
紛上劉歆輩彛易爭偽尚
膳飲啟奢靡闕市贖賄藏
如何致太平區上權度量
無怪後世託禍因經術釀
前有新莽王後有宋物相
聖人不復作至性多淪亡
明皇注孝經大義千古彰
秦刑闈

門扁軌自墮厥防百姓与臣妾一敬之所將陋哉司馬貞遂
敢議劉光所以女史禍流毒盛李唐衡山疑詩語端明訾分
章六經擅改竄此例翹沈郎

論語誤微言傳者古齊魯東海鄭康成傳說宗吉禹讀正五
十事一手綜今古中郎書石經已与鄭相干平叔萃八家同
異紛參任唐宋所立碑繆難觀縷下至羸海本傳寫誤杖
杜樂道字久遺輕表文後補筆解偽沿沂方言雜句質穢郁
通假借翳翳殊訓詁古義證廿篇匡謬闡半部填勿代新燒
聊以覆焉甌

七廟說有三議禮日變更隨立而隨毀親祧無定名祖宗乃
可毀矣怪疾不平後來王劉輩猶愈韋元成禮無所不順廟

制經無微可見王制篇西漢尚未行何時誕妄作刀与祭法
并安得起豈呢刑之存其精

鴻都助正文書丹勝竹策沿流凡七種同異資攷核中郎大
手筆初始功艱赫七十有二碑存者僅片石歟表魏體傳朝
饑蜀訓擇樣嵌石壁青書留天水碧殘文多師承與義足擔
撫異哉亭林叟反以供指摘我為申堯詞帝虎稟俗格偶然
悟偏旁奚啻珍珠獲一蓋虫魚燈油窗腐鼠嚇

借吳忠亭修天香庵採茶梅

種梅人去六百年春風幾見滄桑遷後五百年來謫仙一庵
長結空山緣我鄉詩人數三李僧帽儒衣風翻日南鄰况復
有耒老想見日与醉花前未邊香草今蕪矣墓田丙舍空流

水翠禽啼凍山中呼笛夢吟魂喚不起鶴老亭荒復幾時
香依舊十三枝到門略約通舸春斷竹丁橋繞壞籬我替梅
花來作主年上邀客尋詩處舉盃呼月問南朝明月無聲花
不語

春日楓溪雨餘晚步寄溪上諸友

一雨破春霽諸烟吹溼痕鶯啼無定樹犬吠不知村拄杖閒
聽水鉏瓜欲買園故鄉歸計近穉子候衡門

訪張堯民昌衢田居

辟喧來此地間課有桑麻客久離親舍妻常寄母家野橋一
畝宅春雨半牆花為問田居樂江村路不賒

初夏寄草堂

閉門蠟壁白偏安倦眼抽書不耐看新露著桐時一滴矮牆
蒼竹可三竿寒衣漸共柳棉卸去夢半隨春雨殘苔跡巢陰
都替換何時買夏問園官

旅懷

彎跽板閣任趺跏愁坐無端感物華客裏聞雞常早起窗
前見月忽思家離心只寄歸林鳥歲序真同赴壑蛇為問空山
遲暮意美人消瘦似梅花

漢瓦硯歌為錢警石奉吉賦

子午通天屹然起六百鴛鴦睡不死觚稜終古卜奇羊千秋
萬歲長無已漢宮一百四十五一半尚沿祖龍址流傳殘甃
殊甘泉繡蝕片上苔華錢秦與漢與迄難辨永受嘉福四宇

全或云迎風嘉祥兆偏奇點畫煩敲研我聞斯也初小篆隸
變更溯三蒼篇是文非篆亦非隸疑在同馬攻車年錢君嗜
古歐張亞百二十材揜犀雅得茲片瓦重貞珉琢以為研供
揮寫照爾以益壽之盤龍伴爾以延年之飛鴻玉螭一滴松
烟上圍圓明月秋堂空嘉名吉語兆倣落日有喜而樂無窮
硯田差幸無晚歲瓦分瓦分占日豐

晚望

落日不知暮山空冷翠微陽村一犬吠踏葉幾人歸薄霧著
林色寒烟亂暮衣鴉栖愁太晚宿口欲何依

孤山謁林和靖墓

一嶺寒香三百株古苔荒土伴清臞林歸野在微聞語山有

梅花不算孤斷徑冷雲閒去住墓門溪雪半饌餉段家橋畔
提壺處誰寫西湖吟趣圖

辛卯未歲暮移居古葭河

家近詩人丁卯邨移居祇合避垣喧鶴愁糧盡花為料雞怕
籬疎竹補門舊硯首隨琴共典破裘田与被添溫聞尋眼病
無方法九就梅花和藥石

題鍾文鼎看劍引杯圖

人生不得置身青雲間當使仗劍氣衝牛斗邊不然醉入東
海吸長川此意亦足傲神仙古來世事如旦暮長安富貴焉
足數俗眼不遭秦卷白孫膽肯為麴生蠹鍾翁鍾翁世所傾
讀書下筆如有神功名少壯不稱意掉頭去作江湖人切雲

崔嵬好奇服昂藏八尺起流俗明燈綠酒三萬場買盡金錢
每不足有時堆阜起崢嶸濁醪百斛洗之平珊瑚敲碎霹靂
走鯨魚倒吞蛟龍驚以酒淬劍上光舞握劍使酒上兵吐空
堂一朵冷雲飛四座傳觀神色沮唾壺擊罷臨高臺白日欲
暮悲風來人間多少不平事舉杯問天天亦哀可憐結客多
豪縱千金散輕一諾重平生涕淚思仇盡十年始覺揚州夢
浮世虛名何為哉梅溪老屋歸去來既生豈效窮途哭郭叟
猶侈談天才舊游相聚皆白首痛飲尚能拚幾斗淋頭風雨
泣鬼神青虹夜半作雷吼吁嗟乎人生行樂易嗟蛇莫向尊
前喚素何看君劍酌君酒劍能斷千古之閒愁酒能消骨中
之塊磊飲酣聽我歌復彈老大悲傷更何有

甲戌四月十六日奉侍

家大人暨墨緣兄翰秦郵

之行傷午泊舟橋李楊柳灣越晨抵吳江

以下甲戌

櫻桃湖畔草萋上垂虹亭下抽帆齊綠陰矮樹人家靜拍水
野禽時一嘯

雲萍舊夢落江河載酒重來奈別何底事柳條攀不盡狂棉
更比昔年多

過太湖望東西洞庭諸山

斜日洞庭山上山縹緲間蒼茫三萬頃七十二峯環我欲尋
林屋仙風不可攀只留銷夏好烟水結柴關
遠勢東南盡三江此其區風翻白日動山插青天孤舟里終
辭漢鷗片竟入吳君恩如可乞重寫石湖圖

無錫

水程三百里一路但風聲溪傍梁鴻宅草荒太伯城遠山九
點小落日孤帆明何處尋桑亭蕭條空復情

焦山

焦公昔栖隱鍊師茲山頂千載聞道去紺宇結溪靜江濤日
夜喧中有老僧定縹緲白雲間風落一聲磬

高郵呈刺史元馨

珠湖東去水空濛蘆葦蕭蕭路自通漁澗夜明黃浦月沙船
曉送白蓮風岸當城郭斷千尺地闢蛟龍爭一宮我欲慕棠
歌苦業百年全仗濟川功

題詩晦堂爍詞卷後

青門舊公子束髮早從戎一片關山月三年塞北鴻蒲葦歡
玉帳紅柳老秋風何處西涼曲砧聲恨不窮
短衣鮮絕域晚計話鄉邦獨客仍千里孤帆下九江蘋花翻
白雨鐵笛倚紅腔并入思歸調羈愁未肯降
雙鬢老江河當筵子夜歌文章流輩少風月小園多讀曲吾
愁矣吹簫暮奈何西垞遺調在餘子未能過

題查春園有新松下看詩圖

滿地落松子疎窗儘不關有時歸白雀終日坐黃山高唱偶
然發秋林如此閒何當共脫帽相與看雲還

登文遊臺

高臺聳峙一千尺七十二湖相縈旋橫河曲流江東注一痕

清卷陵唐烟長帽詩翁峨眉仙羽衣道服風翩
忽失路東游乘興珠湖邊中朝司諫霜盈顏宰相文孫青門
傳一時文采成佳會誰其主之推秦髯黃樓一賦空千載靈
光照耀七百年可憐朝市幾更變此臺終古長高騫我思豐
熙嚴鉤鄙秦陵親政收羣賢詩帳不信遭奇禍嶺表擔耳窮
荒邊手把夫容下淮海江流濯足清且漣枕椰西黑春夢醒
野田雲盡秋波鮮酒酣狂歌教盤上天南白雀來娟上清虛
堂開作九日墨妙亭卷留新篇故人來往無一事想見雅集
相後先築臺崇祀煩賢守丹青畫思龍眠我來日暮臨秦
川西風葉上估帆連黃蘆苦竹幾千里沙汀讓與聞鷗閒詩
魂彷彿不可覓憑闌懷古心煩煎歸與明月還相照淮南煉

思渺鄉關

夏日即事寄梅里諸子

筍籜新中雪藕裳
秋偏愛打頭涼
相于雨檝尋漁弟
三十六波蓮葉香

細雨輕烟譜笛牀
江南一曲買陂塘
画簾夢起渾無事
只有懷人字半囊

奎樓晚望同秦甥蘭蓀作

高閣不知暑憑闌
思渺然虫喧兩岸
雨月墮一湖煙種
冰多于地栽荷半
當田陂塘七十二
讓與白漚眠

憶梅華溪漁歌

響鈴墳畔野棠華
石櫛亭荒集暮雅
荔服茜衣誰覓得
香魂

猶傍玉鉤斜響鈴墳在中環橋北相傳前代王妃葬處石柳夕陽將下依先出沒王秋視了香結詞咏其事嘉服葛衣即詞中語

補黃邛北稻花黃香艸居邊香艸荒只有茶梅十三樹春風墓下幾斜陽

在我山園天日松秋風一夜化蒼龍雲衣鳥夢石飛去閣外依然青六峯

蘆花吹雪上漁舟漁計庄蕪問白鷗誰寫江湖小未十一枝短笛月波樓朱西峻先生有月波吹笛圖

涼影梧桐月半池白蓮香近野鷗知儂家繡鴨難頭住不繡死矣繡鴨兒

老槐曾說南朝種古石還傳晉代街不見海棠三十樹墓門

春雨落松釵宋魏在夫石橋大街相傳為石晉時所築沈山子藍邛西世皆葬海棠林中今零落盡矣

貓頭新筍肉不如菜甲臺心嫩可鉏昨夜溪根春水漲橋邊初賣菜花魚

不種棉花但種秦白紗小布桐鄉莊紡磚聲裏秋燈淡忙煞蘇根絡緯娘桐鄉莊布之至輕者里中婦女以紡紗為業

山館桐華共讀書十年曾坐夜窗虛殊風何處尋詩夢月白燈紅一樹疎故友周桐北所居桐華山館有白云疎樹月明三徑白小窗出語一燈青

閨媛能詩教道嫺綠軒秀閣也同傳剪刀聲共吟聲歌夢斷秋燈又一年亡嬪李氏有秋夜詩云繡林坐倦夜初闌挑盡寒不辛早世有隨月樓詩草史蕭媛有飲綠軒詩王元珠有竟秀閣吳道嫺有聽鴻樓詩

星聚堂偏屋幾間數椽風雨近珠灣移家又作村夫子拋却

門前一幅山

呈聚堂余南珠曰居珠灣楫人堂老屋也今移居古茂泗

寂寞東風舊酒徒周南張北任招呼阿誰更繼王郎筆添寫
梅溪四友圖余與周桐北鳴武史所南大煎屠梅西雲堯為梅溪四友今桐北已故而尚尚未繪為之慨然

登金山寺

此地疑無地諸天別有天濤聲驚鳥落山勢斷鉞懸細雨都
成霧秋陰欲化烟江湖感搖落吟眺獨茫然

前度滄洲夢來尋海岳樓江山六代暮風雨一孤舟梵磬偶
然發白雲相與流山僧煮茗致茶話証清修

無錫寄錢梅溪

泳

之子此栖隱梅花第幾邨里傳虞太伯家本越王孫別去曾
無雁相思寄一尊知添金石錄把酒約重論

拜竹詩堪集外稿卷二

門人史詮敬輯

乙亥二月天香庵探梅

以下乙亥
从石經閣詩畧閒居草錄出

春風鬢鬢羅浮邨香艸難尋苑士門寂寞年工一杯酒半澆
花骨半詩魂

夏日和李明經過孫

買夏論園不用錢翻因逃暑得安便斷雲已起將成雨遠樹
全低欲化烟學到難時貪習懶心從悔後漸知禪平生厭看
炎涼態一枕悠然無眼仙

閉門

閉戶常辭問字車山村偏愛把茅居息心無汗頻拋扇論古

多疑種著書夢便得詩翻怕醒客防帶熱不嫌疎科頭跣足
且高咏粘懶况迂或未如

自遣

十年已分住巖阿招隱來尋桂樹柯窗小竹容半竿影風疎
簾縐一池波書經魚蠹偏有失詩學蟬鳴古調多儘有閒情
聊自遣潛夫歲月未蹉跎

亦園漫興

崑山李氏別業

幾曲清溪枕鹿城小園名重庾蘭成孤亭半角皆山色疎柳
一行多雨聲好句每從閒步得客愁都向秋暮生妾抱不厭
搯第數紅葉黃花要主盟

錢象英寫寒林聽雁圖贈行因題

吳波滄上愁菰蘆掘頭船向畫裏租夕陽半角山更遠漁笛
一枝鷗頻啼冷雁將下如可語秋林極淡若欲無西風放棹
且歸去明日詩思滿江湖

雪窗漫興

以下丙子

漫拋春色曲闌干雪意空濛尚未闌酒力預支今夜冷天心
欲補去年寒柳絲乍見綠一幾竹影不多青半竿底事晴窗
遲送暖連朝檐漏不曾乾

自題東溪消夏圖

喜無熟客至不遣故人疎驟雨詩催就新涼酒破除相逢白
石隱却愛青山居亦欲歸耕去長年約菊沮

是日金闌携竹
院烟雨歸耕畝

示見

團焦圍綠樹，畫裏屋堪租。盡日門常掩，此中人可呼。一方修竹，送萬籟北風。圖并共碧尚醉歸，來不用扶。

題桂林圖

墉城仙侶好，招要搢斷晶。簾紫玉簫月，子二分花十八人間。無此可憐首。

好事依稀落小山，秋風閒煞石闌干。招奴不用歌招隱，露鬢風鬟時樣寒。

卷葉送姪 印庚之江南

秋色飄然至，登樓獨浩歌。天風吹不起，夜雨聚還多。遠道客竟去，空山愁奈何。多勞猿雀夢，寂寞伴藤蘿。

題馬小麋 洵西湖送春圖 以下丁丑

東風西月感年華，楊柳新愁屬段家。多事傷春姜白石，閉門怕看馬藤花。

仲夏輯暴書亭集外詩五卷成賦此志喜

老去新詩漫与工，漫与集為晚年棄多未刊之作拾遺選費校讐功。二十詩

謀卷外得斯集，三百年來無此翁。已喜書坊有陳起，好將鉛

藥補楊雄，謂未孩楊君詩龕却与皖南近。萬个賞善地，半予余近

經閣之東偏，日拜竹詩龕遲付名山著。述中石樓遺棄半殘叢，石樓集為早年詩亦多

于暴書亭集，秋錦秋日凌公選。同諸君晚步東坡詩，藍村新

老石樓去絕倒黃花，二十年藍村沈山子也。石樓竹翁初

竹枝舊調，刪還補詞。屢易其章，桃葉關情恨本空。閒情詩

指不見須，塵冷我晚尚誇鄉里与公同。吉金粉墨俱零落，生

尚有書金貞石志於墨春秋風庭更欲克羅逐蛙蟲

連日風雨暑意全消用少陵江南韻

三伏初無暑連朝已作去秋翻教拋楚葛渾欲著羊裘沙雨
崩頽岸山風撼破樓愁陰傷稼嗇天意幾時休
立秋日寄懷金香谷蘇用少陵長吟韻
雨過平林外秋來例薄陰斷雲新雁影疎柳暮蟬心
花晚瓜瓞引蔓溪頗聞蘇病骨倚杖日行吟

溪行即景

一曲苕溪斜圍焦八家九晚風收豆蔓小雨落規花
同飽囊空酒易賒江村風日美閒課問桑麻

秋懷

畏景儵已往清秋百感增
初雨蟲聲聚一銜披襟重徙倚
露氣墮冥冥

絡緯

刁騷余何意入耳轉淒清
夜語白髮一絲生感念秋衣薄
鄰機織未成

喜家大人自京師回里

喜慰田園計兼聞道路安
頭問親朋一笑歡晨餐須早
泊迷頻年事回思淚欲吞
承歡無弱弟見面失童孫
幸得高堂健依然笑語溫
老須慰藉春酒日開尊
張敬仙之林為香谷子畫梅離奇錢幹蓋代寫照也

作一絕題之

昔為孤山在膝枝十年夢落有誰知前身定是梅花衲僧帽
儒衣兩鬢絲

秋日閒居四首傲知南小體

朝聞林露濕江村涼到空階蟋蟀盈半棧豆花初除架一庭
秋艸早闌門况迂嵇懶有同調張瘦何肥且真論自分前心
原不忘安禪誰識淨名尊

請卜何須反買疑毀譽鄉曲兩忘之麝牀且理輕安夢繭紙
宜裁小碎詩黃蜂避風栖短草青虫引竹吐秋絲閉關合有
清閒課少悔拌刪播塔詞

野屋司空號綠衫蓬蒿迢迢不教更性頑兒廢冬村學寒薄

妻衰吉貝衫貧似米清留藥券交如謝覽峇書函高堂菽水

歡無限白髮飄蕭暑冷街

習靜茅堂養性情帛鞋茶磨絕喧聲要排俗學成經癖為斷

凡交借病名米賤早知諸事易心安長覺一身輕旁人莫道

無官耻李謚年口擁百城

秋日漫興

纔聽西風獵獵聲停車客到笑相迎水村黃葉滿頭雨山寺
斜陽一角晴瘦蝶冷依秋草影瓦盆細數菊花名江鄉野局
偏宜醉手把霜螯酌屢更

題鐘各邨秋夜校碑圖

韓陵一片半叢殘餘字猶留漢校官翻怪松江王內史石經

三體失邯鄲

王述庵金石萃編獨遺正始石經

我鄉博物朱石樓當代揚南仲一流可惜吉金貞石志百年遺棄已難搜

風鐺閒伴子雲居門外應多問字車我亦要分金石癖雁鈴

一蓋注虫魚

時輯魏石經方成

拜竹詩堪集外稿卷三

門人史詮敬輯

過拂水山莊和斌觀蔡師

良閣詩畧北遊前草錄出以下丁丑從石里

南朝江令夢初殘浩劫灰飛指暗禪野史有亭烟白石小樓無地著黃冠江山撫哭應多感歲月栖遲亦大難拂水莊蕪絳雲墟斜陽燕子幾回看

白頭詩侶結松圓共話滄桑不計年生死難逃竊鬼罵文章枉受美人憐杜陵老去悲秋雨謝墅荒餘冷暮烟九廟冬青零落盡不堪紅豆續新篇

嬰桃轉舍瓦

嬴漢以來重文字經生異讀相師傳六經沿革漸舞譌及假

瓦礫証奇編嬰桃轉舍最後出訓取月令羞加邊或云轉罵
柞舍茅瑯嬛諸公紛糾纏謂陳曼生鈕譯訓乃知嬰即嬰石
經穆傳存真詮唐石經春秋左公九年晉侯使荀瑩來聘瑩
穆天子傳黃金轉嬰不殊連覽義柞舍想與長楊連瓦文牝
又嬰即瑩茅君釋為我生流轉無常舍分陰坐廢愁磨研幸依廣廈拋芒
桃恐非君釋為我生流轉無常舍分陰坐廢愁磨研幸依廣廈拋芒
屬金石刻畫寤蒐鐫日餐蛾綠忍飢坐虞山一點橫蒼烟

琴川曉發

落月猶在岸曉星寒挂樹檣牀殘夢搖行人又前渡

夕泊楓橋

湖跌十里指官亭擊汰沙棠為小停烟水又留今夜夢雲山
不改昔年青疎鐘到岸楓初落斷雁叫人酒易醒還與白鷗

認舊影江湖身世尚飄零

無錫望慧山和穀人前輩韻

空翠撲西神中間雲隔斷遠望一片青九龍掉天半寒日雁
腹迎曉烟塔頂散縹緲失咫尺孤帆移彼岸

和斌笠耕師夜話原韻

風月廉夫號福人清鐙細品素家春官同荀羨年偏少譚續
康駢錄喜頻婪尾兵廚開北府馬頭山店近西神明朝共約
愚公谷來看梅花上番新

重過無錫

聽松庵畔名泉里三百年来憶老翁我欲徑携十九殘山風
親試竹爐紅

和笠舛師楓橋舟發

帆脚初移薺樹昏子城隱隱失昏門斜陽蘆岸雁爭宿淺水
江橋沙露痕越峇瑱裳勞寄遠吳娘箏笛最銷魂前汀漁火
星上出醅酒東尋黃葉邨

曉發京口

客夢落何處隨潮一夜流亂帆三十葉上葉下沙洲吳楚并
飛越江天此拍浮前津已瓜步風雨老扁舟

遊高閹寺用樊榭老人韻

紺殿時秋寫一江東門戶理策藪斗波鈴鐸語如雨人家隱
薺烟雉堞渺何處霞紅雁背馱雲黑烏尾聚喙匿登眺緣仿
徉香淨上詩成喜呈佛本色或可取

邵伯球懷謝太傅

舊環風流太傅賢甘棠曾並召公傳徵歌屣屐登山日浩劫
楸碁走賊年高卧不妨官作達清譚終誤局爭偏只今遺愛
江淮水幾頃蘆錐當墓田

邵伯舟次笠舛師邀同煮酒夜話同用東坡韻

檣牀搖夢水語細哀如新婦惟車閒起東凍折兩足僅懶理
詩衿兼酒袂使君高唱水雲寬口所欲畫悉圖計三十六陂
游戲歸風流彷彿坡翁繼紅霞滿嚼梅花堆青山醉擁墨仙
髻天寒酒星斗大懸白眼一杯小塵世

和笠舛師高郵道中曉起用東坡韻

矮蘆髡柳寒堆水尖風割面上有稜蓬窗瑟縮眠不起一拳

東鷺難晨興朝曦一線射被縫來替詩人烘冷夢此時忽憶
梅花溪乾雀晴檐姿恣清弄茅柴差免行役勞暖爐會開烹
羊羔殿元張文居不遠野局呼僂腰脚軟

渡江後小寓海岳庵懷朱襄陽

溼雲寒走江天黑篷底雨粗眠縮瑟南宮詩夢久饒餬一幅
如逢圖潑墨米家當日亦寄居蘇翁日址誅茅初脩閨堂隣
甘露寺買斷應有傳荊書三茅地肺離塵裏肯將海岳換研
山蟾蜍玉泪念故主蝸牛廬舍苔空斑千金賣古煩婦雛片
石笏拜逢仙鬢黃哥坐列商賈續中箱五岳留人間我來借
得書函舫紅橋九十恣來往茶檣酒慢任相羊麝煤鼠尾寄
孤賞狂吟恍接七百年六代青山喜無恙當時快意崇寧年

書博士銜臣親填年駝同石付劫火宣和圖畫歸雲烟惟有
斯庵倚江水零落秋風飛燕子指抹緒思薦襄陽肉丸糜空
馮澄心紙天寒仿佛精靈歸白雀一聲橫江起

歸舟江口望金陵諸山積雪如鮮雲在空明滅變幻

真奇景也

望上遠松雪山光隔浦遙忽然青嶂斷真覺白雲空沙鳥寒
赴暝布帆爭戰風我來乘玉巖濯髮水晶宮

三過錫山

梁溪已三過滄上晚寒昏微雪泊山足夕烟生水根俊游總
鷓笑秀嶂自龍蹲今夜松庵夢多應媿暮猿

丹徒乘輿至丹陽下船作

江身漸長水漸縮沙岸如山高壓屋年上春插勞畝丁變水
為陸苦行役渡江小住却逢屨羊頭車輪聲歷鹿竭來愁水
更愁風簾篁穩坐日向東一肩行李車驅之竿角斜颭官旗
紅卯飯催行漸涉西瘦雅點上挂寒柳前村燈火上店身僕
夫已報丹陽口下車仍投赤馬船丰豐酒醉聊高眠

渡江小萬臨江閣

飛甍春天表鳥下大江流白鳥一隻過青山西髻浮結庵臨
海岳攀閣小滄洲仿佛凌雲意狂吟七百秋

戊寅四月十七日偕曹魚山維岳蔣魚雅辛陳益齋

維善黃子景况冷穎為炬法可盦良徐博山龍

遊虎邱旁晚集燕湖舫以下戊寅

柳花如雪望江南烟塔風林晚綠酣傳唱山塘新樂府鼠姑
插編馬頭籃

題法可盦琴川脩禊齋

荻芽蘆筍長烟根一帶晴波繞郭門何似風光蘭上里白鷺
曇瓌自成邨

勝侶羊劉後眎前蕭梁臺畔幾春烟如何一代高文手翻藉

當時退筆傳琴川有昭明讀書臺

柳梢船放綠波平如画青山對面橫半壑紅泉四圍竹迴風
都作管絃聲

舟泊錫山偕諸同人攜龍井茶至蔣瀾堂試第二泉

主僧出觀王孟端溪山漁隱圖及盛太常竹爐因

用吳文定公韵

檜風石磴汲新泉
煩吻初消活水煎
日夢已拋雙井外
老僧能話百年前
何時借我茶山隱
有客真同竹榻眠
都統藍携團月小
揀雲細品色香全

可盦以蜀山瓦爐烹第二泉試陽羨茶

蜀山爐具錫山泉
茗籠頭網手自煎
淪社何須逃水厄
策勛祇合諡茶仙
半蓬梅雨鷗鈴小
一枕松風雀夢圓
我是江南老桑芋
樵青携上五湖船

京口江行

乘興滄州趣江皋
策杖經霞蒸魚尾
赤山擁蒜頭青越夢此
飛度吳天極杳冥
漁舟炊晚飯燈火出前汀

登金山寺

百丈丹梯路何僻
躡足勞風廊隨磴
圻石屋絆雲半佛脚
諸天瘦潮声一枕
高山僧能愛茗清
話供茶槽

壽金盦歌用東坡石鼓韵為笠舛師壽

仙館蓬壺位黃丑
茗延鄰生与枚叟
青瑀素威日排列
精靈躍出龍蟠走
論古不數晉長頭
識字無過楊吃口
使君廣博揜犀雅
歲上鏡冠戴柱後
政餘清暇好踏古
精鑿十不遺八九
上率缺齷辨卯金
籀文詰曲斟西柳
鏡盃橫由剗慮
儼辭聽規捐量斛
斗穉雷忽起塙
埒耳旋虫欲絕
隴束肘雞彝尚象
圖亞室鴻登汲
泉鬢榛莠兄丁
文乙分作贄公
非未綠同尚友
上進郭周下羸
滅不溷蹄苓
及馬鼓就中一
敬傳都遣

篆體分明異蚪蚪解剖乃是知學文追孝父母新選者雙魚

洗鱗沈泳沫饜饜張吻猶啣啾雙魚洗饜饜吉雲捧綠叔孫

美祥金冶碧伯蘇叔孫故見博古圖伯蘇自見西清占鑑俱至晉也弩戈森張敵

左軍鐘鐸編列付替暇其餘珍器共一龕齎之不啻禹岫嶮

山窗風雨聞登上既植響榻吉文厚永平永初朔年上淮父

事父記某上以手摸之知真贗歐趙所錄無不有六經文身

證金石光和碑本存照扭琳琅羅薦虹貫月應逐妖狐趙神

狗千秋萬歲豈子孫富貴侯王良非偶使君正逢閏史辰是

日清和夏惟首酒斟蟻角祝三雅厨開天漿指右培樂無事

日大吉羊縮縛年壽意足取縮縛年壽乃姬姜敬銘語觀蔡

美政方布奸慝消如勤物色鬚癩垢秦權周量督均輸文鸞

武鉞保世子神物呵護豈常出一經真者即不朽佗時定卜

金甌枚手揮爪杖為君壽

江行口號

鱸鄉頓上食單俱坐釣間繙笠澤書報道水船販鮮至一江

腥面上鱒魚

饒奴罷煮黃鶯筍野客新搯青豆梅好事山僧供茗料白雲

一擔過江來金山寺僧送中冷泉一擔

商女琵琶說露筋荷花世界浸溪雲苦中也解民間苦金合

新封豹脚歧

綠楊城郭十三樓無復春場賦冶遊勻藥田荒鐙市歌不妨

高枕過揚州

絕似青溪七十坊
閒披襖衫學漁裝
衝烟盪入菰浦裏
拍口驚飛鷺一牀

茶磨香槽位置精
米豕船只載書聲
水晶眠夢烏絲髻
重葉交花記盤名

和魚山曹丈惠山觀王紱溪山漁隱圖韻

蒼龍九點青天半
露烟春溪山此為勝
况具裹古癖何人此
栖隱一竿垂釣石
春泉鳴琤琮細艸滋
芳澤指點秀嶂街沿
流自結宅看山復理
畫幽思動盈尺不見
竹爐圖烟雲坐歎
惜呼童急煮芽頓覺
煩憂釋衰甚長帽翁
徘徊秋堂夕

渡河待船

蘆岸如雲轟萬檣
回波曲于聽扁卽綠
楊棚底分茶店一路

風吹水餅香

上聞重似鑿負版下聞疾如燕
剪波平生想煞鯉魚美不待
曉風催渡河

三學曉行用五六七體

曉露溼江房水風吹麥涼
黃河千里曲一曲一回腸

三莖四莖竹笑團雪勝雪
茶甘我似福州袖于學環
慣唱江南

土鉅蘆塘小市俤高粱
酒賤免沽衣荷雲涼透
幾絲雨卷起一隻薄泊飛

渡河二首

片席挂斜陽中流入混茫
濤聲趨海天影壓雲黃
濁酒千

杯醜炎風一葦杭
峯行歌遠上安穩報高堂
天風吹水立沙雨
逐雲飛星海何人問乾坤帶一圍扁舟
蘇葉小五月鯉魚肥
欲寄鄉書去江湖雁侶稀

駱馬湖

水枕嵐衣味漸諧
醉帆百里順風貪
漫栽官柳連夫柳路遠
淮南接濟南細雨漁船炊麥飯
晚烟沙店出烘籃此時忽憶
江村好挑火桑梯正上蠶

南陽湖雨後晚眺和可盦韻

陂塘五月打頭涼
野水官櫓有底忙
半幅藕衣遮小雨一繩
菱漢界殘陽鷗波如畫
欲偷影萍葉未花時有香
他日為漁直此地瓦瓶濁酒且先嘗

五月廿三日舟泊棗林關苦熱不寐懷鄉作

不辭斟普酒空自憶吳歌
嶺雁南來少津魚北去多
波心涼白露鄉夢度
黃河負未恰游子高堂思若何

任城登太白酒樓

一片城南月千年照此樓
醉騎碧鯨去長嘯赤霜秋
當戶酒星大卷簾
汝水流相携東海袖吹笛下滄州

和斌師蜀山湖納涼散步

藕葉遮門四面同
簾上吹過葦條風
斷雷忽作西南陣
涼然一隻碧繼翁

白茅一角對彎環
倒影奩波兩髻鬟
絕似峨眉山樣好
沒烟畫裏有人攀

六月七日張秋鎮

沙渚溇流轉舵牙到東小市語爭詳油坊趁雨收梨核土店
無風落棗花夢借清涼閒似鷺詩吟小碎鈍如蛙因依千里
征帆健終勝盧鞭薄笨車

齊東竹枝詞

豆棚兒女語紛紛六月曾無一個蟲白點瓦鏗裁倒頓生來
不識藕絲屨

黃泥版屋水楊前土坑盧林供客眠卽似車輪常去住妾如
餅樣望團圓

蘋婆荅選滿筠籃北果咸來味最甘卻憶烏中山畔住揚梅
如雪熟江南

九月十九日喜聞京兆捷音

江湖歸夢息勞薪京雒初辭十丈塵不信窮愁終竈額聊將
笑語答鏗唇鄉評且任輕孫楚狂論何曾學范逵三十頭顱
涸一第草堂歡喜慰雙親

自福山口渡海

三山欲擁去駭浪相低昂挂席自茲遠高歌入大荒寒潮狼
嶼白落日驚帆黃放眼非塵世乾坤極莽蒼

如皋道中

寒塘潮落露圓沙秋草纒黃一路斜蟹琛蘆錐來往熟滿船
多販木棉花

桃花未熟粒上紅雨花來肥比晚菘沽取木瓜新酒賤醉眠

不怕過江風

任家口乘小舟車至通州作

羊頭車小一肩擔霧灑霜花曉氣含曾記蘆溝風鐸裏又馱
殘夢到江南

如皋晤朱八丈留飲即贈

江湖老去未矜石一別秦郵又七年白髮朋尊仍健在青溪
晚計轉蕭然秋風細話歸田錄寒雨欣成翦燭緣但覺心情
歎遶春亂山魂夢繞南天

丈室人歿於滇
南柩未得歸

題吳丈菴宣城遊草

仙都尋謝監幕府作參軍何處北樓上臨風一憶君山烟長
繞郭江雨不開雲試詠驚人句青天應共聞

謁劉龍洲道人墓

紅拍難呼詞客魂昏鄉荒土一坏存金盃夢醒焦桐死蘆葉
舟寒夜月昏風雨飛眉謀一戰江山牛角突中原釣磯零落
東齋廢誰掬寒泉薦墓門

校張孝廉昌衡遺集感賦

零雨荒原苦謂舍弟
松甫秋風宿艸多謂周桐北
屠梅西斯人復長逝吾
道竟如何感舊終夢落餘生亦折磨淒涼習池上載酒忍重
過

魏塘訪郭頻伽屢不值令弟鳳留飲靈芬館即席留

贈

問訊江橋路開門一水溪烟波竟孤往春雨獨來尋吾道原

疎懶斯人空古今子由飛動意謂丹叔傾倒悵詩心
閉戶村夫子丹叔有村夫子蓄長年自在樓揚儀泗上下陸令屋東
西塔影當門直溪花著樹低歸途防藟直况復醉如泥

拜竹詩堪集外稿卷四

門人史詮敬輯

己卯正月十九日北發和李孝廉貽德韻以下己卯

詩畧北游後
草錄出

出門童僕愁祖道賓御列驅車南北塵離心懸天末故園繞
春和川涂尚冰雪丈夫立功名征程勞豈惜去上鮮高堂臨
發情難越左垂受詩書既壯離鄉國榮艾貽芬芳顯志展疇
昔渺上南湖烟皎上東溪月關山日以遠胥月日以隔不見
北征鴻天際各翔飛

垂虹橋石帶詞所云第四橋也橋下其度曲處
一江細雨一帆烟水面家上有画船想像西湖歸夢近馬塍

花市早春前

箏詞不讓張春水烟趣應追陸瑁湖明月初三橋第四不知
曾載小紅無

謁三高祠用樊榭韻同李孝廉

岸雨微春首江水尺半積未趁五湖船幽裏此栖宅水市連
山橋鴻雪認古跡俯仰三高人吁嗟媿形役雲涯數螺青波
閃一鷗白浮家烟水寬門酒天地窄相於攜茶具鴨闌恣呼
拍溪毛拳芽馨泉韻思洗折高風聚一堂落日千載客彷彿
仙靈歸飄忽咽遠雷

呂城阻雪

春雷翻釀雪

前一日大雪

被屢停橈流水若有約凍禽如可招

溪寒陽羨樹風勒海門潮江路多畱滯相携盡酒瓢

曉發陰平驛

東郡繞經第一程郎當風鐸早催行出門尚戀還家夢近岸
先喧喚渡聲曉日紅馱雅背去亂山青逼馬頭生征衣洗盡
江南雨難得鳧峯日上晴

陶溝曉渡

落月猶挂樹曉風催渡河人先奉鷺起夢尚萌驢馱春水汶
沂接晴山海岱多迢二千里遠蹉跎

陶溝遇夏孝廉齊晉

相隔已五載相逢忽一方乍驚鬢毛改不覺道途長淮海調
鷹地青徐走馬場天涯貪握手歧路又蒼茫

中山店

殘照蘆鞭裹黃塵一騎驅童山排此峽卵石亂樗蒲野飯盤
粗具高粱酒易沽土風溘撲死日俗問須胸

謁孟廟

精氣鍾光岳巖一庙貌存制頌周室爵系出表公孫位貌三
卿重師隨百代尊供蒿搜内外私淑証心源

出都襍詩

遠樹疎烟接薊都夕陽芳草走明駝少年擊筑誰知己愁聽
蒼涼勅勒歌

襄古天涯正惘然車中歷一湖前賢伏生書傳康成易不待
登科記裏傳

翩然來履憶王孫濁世風流想像存我欲買絲無繡處一鞭
揮淚過平原

客邸春歸總不知遠山依旧鬥蛾眉杏花雨後楊花雪一樣
東風雨樣吹

碧玉輕盈屬小家霜濃馬滑勸琵琶相逢同是飄零客那有
心情問落花

勞身塵甌厭柴車誰耐長安久索居一事傲人燒尾宴過江
頓食鱖魚

端午還家即事

令節書荆楚江湖閱歲華不圖今日酒恰對小園花稚鯉圓
於繭新荷香勝茶柴門欣步屣無復厭風沙

不出謝塵鞅當門艾葉青蛙喧烟外草人話雨邊鐙茗售新
茶帖童繙日藥經離騷二十五何處問湘靈

初夏園居

游倦耽疎嬾何嫌野趣長歸苔時破屐避筍屢遷牀并喜同
元亮園還仿辟疆草堂無恙至風雨每停鷓

新拓小園偶成

春山鄉思繞茶叢歸興商量地半弓破屋儘堪連樹買小園
全賴有詩工野花避徑偶開雨鄰竹過簷時送風暫脫征衫
谷小佳不須塵夢歎如

題庭前柳

柔條親種意何如安得長時柳下居三月憐佗腰瘦減十年

似我髮蕭疎書燈移亮明蟾頂詩夢招涼倦蝶餘底為勞人
管離別曉風曾記送行初

寄斌觀蔡師通潞

薺烟檣雨紀官程粟挽青天指帝京民望繡衣歌段正天
將金節重表卿蜀山每共去帆遠微水仍如前度清安得身
同江上月年已相送使君行

憶昨同乘春水宅去年此日屢開筵浮瓜沈李南皮會海月
江風沾口船讀畫愛披山谷禡譚詩分擘古田箋此時衰遠
勞千里敢望郵書朔雁傳

兩度還家荷

主恩綠衣朝服奉晨昏離雲春艸連秦棧鄉樹秋霜入薊門

張儉弟兄皆列戟裴公池館日開尊小樓夜雨曾聽颺正及
丁香一樹繁

不才長是受恩年落拓關河再入燕白燕歸飛春水外青山
殘夢落花前航船每憶都龕醉玉節應知漢殿遷樓指吳江
秋信早幾回放溜望雲邊

東來五墨林兼訊病

問訊來矜石歸來借病閒為園勤課樹移榻遠看山以我愁
肝肺思君共笑顏蹒跚方畏暑相憶隔茂灣

秋水半池涼開門藕葉香百年多日雨老屋換斜陽稚女收
花腊山妻檢藥囊消摩如得力乞我養生方

小春重游虞山斌觀察師出示春遊破山寺詩卷即

和卷中秦侍郎瀛韻

昔年天姥夢曾證古鼻提竹徑綠如滴岩花紅未齊夕陽晚
上下寒水澗東西不道塵衣換重來印馬蹄

烟翠撲山城羣峯面七迎不知松雨落但覺天風生蘇舜題
仍在戊寅春曾題名于此華幢榻未成蘇榻唐石瘦權約茶話好証此

心清

不識定中趣言尋方外交香厨供津飯雨饒佐官肴我欲招
仙尉因之結隱巢梅花山寺夜或有老翁敲

謝公為政暇八詠繼清音一品雲衣白千秋潭水淡名山欣
所託小草感難禁幸得同游地時聞鸞鳳吟

商立戈壽壽壑內作戈形

博古錄商器鉅製三代遺或者子荷賁或者孫執旂此作立
戈象奔爵例仿之止戈息盜取立戈旌盜宜以茲銘鐘鼎太
常有攸司唯酒備合歡於飲義何為想當鏡奏日合樂薦嘉
師鳴條功一放亮南懋賞時干鉉靖三枿鑿宮樂無期獻酬
陋瑤角羅列重金厄此壽紀功德吉金錫仲伊官歲毋淫酒
虛器絕傾款其腹容二升釐鑄苔花滋典寶湯盤並愛此雲
雷奇我師邁堯功謂堯耕師天戈息鯨鯢勛成既飲勞多服軍輸
馳洗爵上高堂千秋頌眉梨佐歌誌嘉福當佐猗那詩

商乳卣

中尊重金壘韓嬰詩義古於商得一卣厥製正相輔唇列丁
子文其文一日乳于稽未重說溯自倉頡禮學乳子相生六

書傳訓詁从了木作卣从子義取俯从又象手指折意賅鞠
撫陳留跪學美邠女畜諸虎麋卯重仁育雉離感陽煦是為
子母恩慈養溪嶼咻惟昔韓思彥飲乳化獠戶亦越元德秀
自乳切同父是為兄弟親友凌出肺腑熱之和藥羹割介兼
剖股汚人泣蓼儀許子進珍脯是為人子情純孝庶勉努在
天為甘露在地為膏土在物為竹津在泉為香雨象形復轉
注乳義難覩護觥匕斌夫子茹古珠璣吐蓬落開春譙醍醐
浮瓦甌饗玉挹瓊漿腴日烹翠釜嘉花淪風鑄菜脂送膏膺
爵醴飲通申鐘鳴夜轉午進此千金卣歡心洽杖杜作歌勤
刻畫以補殷頌五

邠歸敲

銘云邠歸作敲用迓孝于其
父母子子孫孫永寶用言

唯表二十四珣庸須胸任宿古同封顯史已伐并邦域部季
失國傳故公積古夏得一都故歸也佐贊追父母告廟當循
考妣文事死如生義或取或云以獻是孽字準以未重訓庶
子或云以多暉為遣晉姜季嬭文妻見百二十國贊書亡姓
氏亦真微凡將楚鐘序鼎半燬俗區曰小邦尊葬藏牛蹊蠶
食國餘幾秋墳難飽石教兒今都蚤歸衣版國子曰孫曰嗟
瑣尾山川長隸古任城詩亭詩國代遷更試上龜蒙東望處
夕陽衰艸并畫平

漢泰山宮鼎

款云泰山宮鼎容二升其弟三重十四斤三兩廿五三年上王意造弟百十五

嬴秦以來立密時神休明號從此始至皇雍祠椒封禪明堂
玉檢何其侈此鼎溯自甘露年孝宣紀元崇裡祀其容二升

其弟三誰其能者工王氏泰山峩上民所依神之來兮紛
遲左據攬槍右元冥唯帝好陰興雲祁延命犀僚歷吉日素
蚪郵倡飄旌旗星旄電燭天門闢八神齊降是耶非陳其巖
龜備乃犧為民祈福神應知我思宣帝信符瑞建年佳上斷
氣久當時快意快意軫獵車膠東流民八萬口羽林孤兒樂
游畋名王幾輩封屠狗菜宮裡懶及疫縣威鳳羊麇書遐壽
神仙荒唐巫蠱起青壇曾孫告元此是鼎乃在黃龍前凡百
十五屋留傳雷紋屈削銅華碧阜禾取所形同全方今
聖益昭表字嵩嘒萬歲百董舞襄柔河岳隆亨鵲煌上典禮
垂東魯吉金奕世卜嘉羊留取昇平祝靈雨

漢諸葛銅鼓

款云大甲申年卯歲十一月五日造

壽金盃中敷銅鼓流傳云是漢侯亞陰山神物不世有千七
百年始出土銘紀叢號大甲申峒蠻酋長剽部伍辛卯歲十
一月皓姓氏可惜失系譜喉戾夙著征南助金鳴天半來將
單夾荒卷甲渡瀘水七擒七縱何其神蒲羊一吼魚麗整千
八百鳥聲應聞一鼓吉利肝膽破再鼓獬兒山河然北征亡
後南征罷惜哉天下竟三分將星忽動并火滅日京未復刀
先折帳下霜紅玉騎寒原頭月落金鉦咽是時銅鼓聲怒吞
九鼓三槌散雲昏硃砂激碧分象郡石鷁浮淵悲雁門此鼓
長存鎮軍府思侯功德已淪舞偶然槌擊發鯨魚想像英雄
氣如虎鐘虞不守老臣死坐使卯金換典午吁嗟乎漢豈擊
瓦玉塵飛銅仙一去西京非唯留銅鼓永不寔鳳魄鸞魂無

處歸我師得之逾珍璧模製量以億僦尺蟪謁生苔篆尚青
蟾精瞪目光猶赤神靈呵護待傳人玉磬龍泉同潤澤他時
記取太常銘並鉞文邑書竹帛

新莽大泉范

新學周官開泉府制仿范金兼合土圓廓紛摹貨布文方撫
并入洪遵譜兒女心絕情可憐五男二幼長流傳侯王富貴
無山鑄不及詩人粗酒錢

拜竹詩堪集外稿卷五

門人史詮敬輯

上元日漫興時將北行以下庚辰
以石至閩詩卷北游三草錄
只有江梅似故人一枝已報上元春
雨聲簾額留華冷雪影
牆香借月新且喜鄉園多伴侶
每因離別悔風塵躡鐙兜
童時事連臂同歌舊竹鄰

劉伶臺

荒臺久寂真尚自說劉伶一插屬革命千秋高酒星醉鄉客
廣大釀國有仙臺我亦適江峇何曾三日醒

紅華埤題壁

香茅土店雙停驂新柳當門綠
漸添山色馬頭無限好計程

今日盡江南

郊城通傾蓋亭有懷李天貽德

薛若清陽賦合并雪泥星飯此纔經孤城一角傳荒裔蔓草
千秋賸古亭薺樹蚤浮新雨綠山菜長對故人青天涯有美
知何處攬轡春風為暫停

曉渡沂水

天明不明暄渡看沙鷗未起人先忙馬蹏倒影春水碧山額
半籠曉日黃詠歌欲效長統樂風浴昔追曹賊狂安得釣游
來此地高風登彼先王堂

渡沂水後出北城遇雨

淡日喜晴暖青郊策馬使何期殘夜雨似泛五湖船遠樹不

開霧春山欲化烟
若衣愁更淫歧路意茫然

半城喜晴

南園忽開齋西崦已潤田
頓添僕夫喜應受社公憐
是日新水碧雙澗夕陽紅
一鞭青駝却店近安穩
設牀眠

龔城山行同趙孝廉
申嘉

石橋一曲水溪上如畫
草露遠林滿背斜陽松影落
有人負手讀碑陰

徂徠山下作

晚出徂徠山山翠可攀
言將行藥去相与劇雲還
松子有時落却扉已半闌
永懷孔萊父高隱媿塵顏

登岱同莊楷鳴吳成勳吳珩馬世芳諸孝廉作

平生曾鼓滄洲興今日才瞻岱岳形
寫下亂飛雲鳥白日邊
遙見海山青九州眼界開三大終古陰
崖護百靈所惜歟
塵埃裏未捫蒼蘚剔殘銘碧霞宮有秦時石刻惜未能搨也
極目齊烟幾點尊痕振衣便覺此身尊
九閭呼吸通神鬼萬壑嶸岫列子孫
沙雨河聲連地軸雲衣松影近天門
壯遊喜遂青鞵願策馬層嵐日未昏

謁岱廟

宮闕崔嵬接絳霄神庥密時典常昭
東方位配三公重西漢壇仍百代遙
畫壁龍蛇真羊泣玉京風雨夜靈朝
天香一炷崇明祀想見先皇翠輦招

羊流店謁羊太傅祠

寥落巖阿太傅祠高風東晉至今垂
碑能墮泪山長在環認前生樹可思
馬上角中推雅度帳中裘帶出奇師
我來下拜匆_上過惆悵湘濱絮薦遲

晏城出山

歷盡巉巖力不支近湖芳草繫人思
好山看過一千里明月送人三五時
魯酒尊前成薄醉曉風馬上續殘詩
春光一半銷輪缺喋痒桃花已破枝

花朝宿張夏

春柳小紅橋江南夢漸遙多勞琵琶
几語留客過花朝

望沙南諸山

單采不可極空翠了無遮春樹開蠶尾晴烟繞鵲華看山峇
柱笏問酒每停車七十二泉好移家願尚賒

古城夜行

土店不成睡嚴夏出古城與丁通馬語客子厭雞鳴落月黃
河冷春星遠樹明前途多積潦祇是苦曾征

河間曉行過雨覆車

一騎黃塵撲面飛餘寒猶未却綿衣早鶯欲破春山笑細雨
漸添紅杏肥殘瓦荒烟何代寺野橋亂水幾邨扉錦障泥滑
青絲重凋張輪蹶未息鞵

新城寒食

薄陰連日作清明風鐸郎當送驛程休恨馬頭春色少一鞭

紅雨過新城

趙北口和方子春詞韻

我車既已勞我僕亦云苦行口堪堪塵眼明河之清潛鱗泳
清波髡柳俯沙嶼古隄橫略行遙山露眉嫵野渡近可呼漁
屋稀可數幾點螢火明隱隱聞烟槽傍游思川梁曰颺風行
旅魯酒不成惟燕歌歎徒圍懷哉江南邨千里渺何處

禮闈三場號舍對月

爽氣西山接斗台舉頭正喜月容開大羅天上羣仙會此夢
人間第二回

夏至日法可盃招同沈豐橋學誠遊法源寺

簷堂樹底叩禪扉境茅諸天暑尚微烟磬晚催茶夢久雨接

添種菊苗肥詩人慣說清涼法老衲閒縫消度衣舊是開元
埋骨地石幢禪指却反飛

是日又偕游陶然亭

十丈緇塵絆脚根禁街車馬倦朝昏眼明古水彎環影心遠
南湖菴畫邨山髻堆青都繞郭盧錫搖綠半遮門烟波頗厭
朝趨俗尚略鷗朋酒一尊

澹園春興

謨觴亭館儼神仙蘿衣追攀近日邊飛絮半池催作雨綠陰
一樹染成烟名園有約頻移榻余至都每假寓軒永晝多閒抵
過午清絕頓忘人海裏盟苔款竹有前緣謂劉庶常榮熙

端午後三日食新蠶豆

節物江邨近堆盤味較甘種應先蜀麥熟亦趁吳蠶小剝地
殘英新涼賣一擔食單頻檢取對酒話江南

積雨

濕雲石磴影參差苔氣昏上積翠舍不信此間有梅信雨嬉
風颺似江南
綠陰如幄護琴牀分付山童補雀糧茗殿不來苔又滿階前
堆遍棗花香

題應天垣羅浮仙夢圖即送其重游南海

身如羅浮螭夢逐羅浮村羅浮仙人知何處月明化作梅華
魂鎮黏飄忽曾游地萬里詩天麻上記手持碧玉杖足躡五
羊城春風偷喫青泥髓綠骨一把千年輕香雪蕊上墮南海

瘖虎癡龍久相待鐵橋正對玉女峯方丈蓬壺苑子在浮邱
伯白扁翁蚺旌翠羽未相從引君從重覓雲溪樹木棉花放
丹霞紅我亦雲中思插脚下探天府上碧落祇愁夢醒天雞
呼失却天南兩黃鶴

自題前塵圖十幀

侍杖買月

余七歲始入塾粗解四聲先大父出入必偕每鐙
底課讀後携街頭買月餅餉之戲謂之買月吃云
三歲識風丁七歲琅上書可聽兒小善承阿爹意挽鬚問字
怡然喜秋鐙一盞月一盤竹街携得餅團團欲嚼不嚼書未
完明當多買天邊月兒能讀書月不缺

紡磚團話

先大母譚太安人每於機聲鐙影中啼小兒女告
以先世事登侍旁則罷宵績焉

機聲書聲窗欲曙飢烏夜唳學人語呼兒罷讀停機杼先世
清芬歷上叙有時色不歡苦在心頭口俱酸有時意轉喜煮
茶且喚赤脚婢一衣一粒祖所留薄田要為子孫謀子孫苦
多田苦少語兒努力萊根敲嗚呼此語二十年秋風鄰壁愁
紡磚

被池背誦

余翦髮時每隨家大人同臥起於枕函背日間所
習書恒廢寢大人出必偕焉乾隆戊申有山左之

行母安人詭以近游告比知涕泣欲從而舟已發
矣

布被蒙頭學貓叫吟聲忽作雛鳳好枕函背誦不失一撫髭
聊博阿爺笑阿爺欲睡兒抱足鼾聲未歇書聲續命出門兒
常疑牽裾問孀孀不知可憐終日淚如絲恨不抱足長勿離

池塘理夢

余二弟登善幼聰慧過人讀書之餘兼理家政得
嘔血症以嘉慶丙子夏亡

昔年春艸夢中綠相思不隔白雲曲今年春艸依旧生夜雨
鴛原夢難續對牀曾憶阿同偕共被輒思姜伯淮可憐風雨
太作惡棠棣一樹碑空埋天涯有夢歸不得魂兮魂兮山月

黑池塘芳草長愁根麥飯墳頭幾寒食

曇華淨果

余室人李名晚字梅卿以癸亥東歸十年食貧瀕
死有德兼工詩詞有隨月樓彙以壬申年亡

唐攬羯叱斯尚年受砒礮優曇祇一見地喜淨果在幽人窟
嬰綠窗口海棠華濃酌新酒剪刀聲歌凍藥殘指爪尖長病
枕瘦十年龍具臥王章一夕松根夢不長營齋營奠悲元九
區上官俸為卿償

山館讀書

余偕里中周君鳴盛史君大勳屠君雲堯為梅溪
四友今三君俱歸道山外如張克民昌衢朱壽園

墨林亦先後去世不勝黃墟之感

井廩草綠苔水積西風吹冷羅含宅桐陰如水不開門一片
書聲秋堂夕廿年共發猗玕藏自許同登玉堂籍那知轉眼
作陳人秋墳唱出哀場白蘆溝風鐸月黑時楓林搖夢頻見
之詎緣綠章名早奏新鬼歡喜來告知余戊寅庚辰兩次入
都途中頻夢見諸君
鬢余媿上蓬壺巔文字真續故人緣平生感遇多知己奇才
埋沒半由天詩成招魂為剪紙磨角啾口嘯不止

破樓攤卷

余年十五授徒於里中徐氏市廛退屋邨童八九
人麥飯藜羹要如也凡八年而就他處焉

十五便作結僮師俗眼誇傷遭羣兒主人日供田麥飯先生

白點村農詩破樓午夜撼風雨壞牆一角茅柴補簷窗葦壁
安繩牀秋燈籬落豆華吐此時攤卷了無愁吟聲碎伴殘蛩
秋君不見匡衡尚作富家傭僧珍貧居蕙肆中英雄未遇類
坎墮販鐵磨鏡吾其從

辛峯攬古

丁丑秋赴斌笠畊師之招下榻虞山使署之辛峯
一角樓撐騷乂足頗極文燕之樂

辛峯一角山樓割嵐氣濛上翠欲潑使君為我置琴牀濯魄
頗黎秋窗豁弦詩讀畫多奇緣貞石羊金日刻畫秋堂張燈
愛命酒竹裏行厨無虛夕東風昨夜山中來澗邊桃花紅亂
開石根都化桃花色水岩萬道飛春雷是時山禽作前導白

雲迎我一第到烟鬟滿空海山橫一峯欲雨一峯晴松林萬
簇但翠影微閃幾點斜陽明僧言劍門尤奇絕荆蘿祇認青
猿跡我疑此中有藏書絳雲未散柘靈穴惜哉笋鞋未辨此
山盟足許他年結

潞河萍跡

戊寅偕笠舛師督運北行是秋舉京兆試

亂鴉作敵天鋪墨千檣萬檣密如織運糧圖憶暗門郎一幅
丁沽好風雪負米江湖殊草上旅食無懷米老歌成水調記
甲寅雙舍漁村夢都好我亦江南飄泊人山魂水夢感雲巔
津門烟樹薊門月認取天涯泥爪痕歸

蓬山應詔

庚辰舉南宮試得館選誌 恩遇也

蓬山一夜琪花開天風吹上金銀臺摩空搖筆立 朵殿玉
策親奏 君王來 君王臨御開顏色 詔許名挂蓬山籍
蓬山高處最清寒丹霄爭逐鸞凰班自慙苦屋第愁子得列
花墩侍從官泥金帖附家書去今時應博高堂歡一朝宮袖
香痕染廿載青衫淚點乾寄言志士來宜早神仙休歎鬢絲
老





